

隨州志卷之三

隨州知州張璿輯

風俗

崆峒涿鹿風教殊矣烈山為炎帝故宅宋邢居實賦稱土深厚而無虞其猶有淳悶沕穆之風在乎然民俗與世移易葆淳固樸惟司教化者有以導之而水土之剛柔緩急不與焉志風俗第六

隨地土深厚其民勤儉力穡少末務故多土著不外徙士習崇樸學不為浮誇蒙谷子曰隨俗淳厚類伊洛信然

隨州志

卷之三

風俗

三十一

隨井閭沕穆戶游黨塾頗有古道之遺

通志郡志舊志同

男子生暮歲隨謂之抓周諸戚俱至各與兒以繡履綵帽諸物既長有命字禮卜期燕親友請其中齒長而有德者命之字餘舉酒賀亦古人冠而字之之義也

婚禮不行財以名柬為定女家答柬如之將娶具綵幣牲牢為聘厚薄稱其家卜吉然後行納幣禮至期媒導婿親迎奠雁於堂先歸俟於門外設香案牲醴女轎至婿揖轎周迴然後入謂之回車馬婿偕婦登堂拜神夕合盃於室質明婦廟見拜舅姑出所製襪履為贄其次遍

拜諸族黨女子將嫁宗黨治酒食燕女于歸之夕以青
紬帕覆女首胸背以小鏡繫以紅帶所以辟不祥也
外襲舊衣謂之閨衣取有餘也父母戒女而遣之婦女
不親送惟伯叔父及兄弟送至壻家

喪禮多遵文公家禮訃親黨擇日受弔葬之日親黨咸送
至墓所惟喪家婦女不出送翼日婦女至墓哭事異孝
子衰麻於靜夜出謝客稽首於其門外不進見其貧不
能葬者多贖金以助

祭禮以中元及年節爲重祭及三代以上焚楮謂之冥祇

隨州志

卷之三

風俗

三

惟春祭移於墓

歲時元旦五更設香燭陳菓餅酒饌拜神祇序拜尊長畢
非至親不面賀惟以紅帖投其門中通名而已三日後
往來宴會爲樂立春前一日官迎春于東郊官親擊鼓
三然後鞭上牛謂之擊春鼓元夕食粉團演燈社日農
家具牲醴祀土神以祈年清明插柳枝祭墓作紙幡
掛於墓上端陽佩艾食角黍飲雄黃酒競渡以祀三閭
大夫七夕乞巧中元作盂蘭會中秋燕飲重陽登高俱
與他邑同十月朔農家蒸米作糴糕以雄雞祀土神

春為祈穀此為報賽也臘月二十四日以糖果祀竈神
除夕作麪食具百果祀神換桃符往來辭歲飲團年酒
守歲閭巷皆張燈達旦

物產

江陵千樹橘陳夏千畝漆隨介居其間所謂物土宜
而布其利者豈布帛粟菽之外未足以誇示歟惟土
物愛厥心臧即其地之所饒猶見其民俗之近厚志
物產第七

稻之屬有秈有粳秈有早稻占稻晚稻早者有落地黃粒

隨州志

卷之三

物產

三三

公饑一區水等苞齊

苞府志作袍字書無此字

接早江西早其種宜

沃土占有青占銀條占亂麻占無名占榔頭占溝道占

竄八石皆色白紅穀色紅皆七八月收高下宜之

府志

占者自古城來今日食皆非也占城國名按七
修類藁宋真宗聞占城稻早耐旱因求其種分給諸州
今六月收者是若青占諸種既遲至七八月收則非占
城矣稻之在七八月收者惟秬且銀條亂麻之屬實種
種非占種也廣雅秬稻呼秬為占當是土音微譌耳
而府志又云占俗作粘益謬按玉篇粘音黏與土音迥
異且粘即晚稻十月獲其香者曰香籽晚又有秬穀宜
稷非秬也

於湖田被水後

穡府志作葢按葢水中浮草非穀也集韻穡紅稻

稷亦有早晚

早者金線稷絲茅稷留兜翻虎皮稷晚者柳條稷慈

白溜沙白紅毛稷烏稷

麥之屬有大麥小麥廣雅大麥年又有蕎麥舊府志作菽按郭璞注菽

荆葵則非麥屬矣玉篇作蕎麥

高粱亦有秬稷二種府志一名蜀秫一名蘆稷其語出廣志按稷稷同聲實稷類也其稷者可

以釀酒北方呼為黃米

粟孫炎曰稷粟也羅氏曰古但以米之有稗者為粟今人以穀之最細而圓者為粟則亦稷類也

豆之屬有大豆小豆豌豆胡豆府志黃豆有黃青黑三種又有萊豆紅豆豌豆豇豆

諸屬接穀譜大豆有青黑黃數種則今之黃豆即大豆也小豆有赤豆綠豆則今之萊豆即小豆也府志云豌豆即胡豆一名回回豆似非廣雅胡豆豇豆即豇豆之豇豆乃胡豆也遠志回鴨豆色黃味如粟與豌豆迥

隨州志

卷之三 物產

三四

異又有蠶豆蠶月熟

麻之屬有榮麻油麻紫麻俗名本胡麻其子可食可以為油

子可食可以為油

帛之屬曰土紬唐書漢東郡土貢合羅綾今鮮有矣

布之屬曰棉布隨地戶種木棉人習為布秋熟後買取鱗

集隨民多恃此為生計南史高昌國有草實如繭中絲為細繭名曰白疊以為布甚軟

白史始釋文木棉江南多有之以二三月下種既生一月三穗至秋生黃花結實及熟其皮四裂旋出如綿

隨俗力耕織列山氏之遺教也故特詳之其餘物之與他邑同者皆從畧

蔬瓜瓠之屬其著者菘俗名白菜府志隨州最著其異者羊肚菜鹿茸

菜府志俱產隨州

石髮菜又名石筋菜色深碧細如髮

水流處

草竹木之屬其西北諸山多栗土人煨以為炭

栗之屬其著者桃栗棗梨府志多產隨州

藥之屬最夥錄異記謂永陽縣神農窟前百藥叢茂莫不

畢備州東北黃連村為古厲鄉今鮮所產諸藥多產西

南山中唐書漢東郡土貢覆盆今各志不載

石之屬有紫石出大洪山色如猪肝可為硯

古蹟

隨州志

卷之三

古蹟

三五

某水某邱為昔時游涉之地再過焉而低徊不忍去
况自古在昔足動人仰止之思者乎圖籍所傳烈山
而後代著名蹟古人流風所被林壑亦為增重志古
蹟第八

神農洞在州東北百二十里厲山之東古有九井初學記

盛宏之荊州記云隨郡北界有厲鄉村村南有厲山山

下有一穴父老相傳神農所生穴口方一步容數人上

有神農廟即荊州圖永陽縣西北二百三十里厲鄉

石穴也井在山北重壑周之廣一頃二十畝內有

隋季良大夫池左傳作季梁其水南流與義井水合義井出

隋城東南井泉嘗涌溢而津注冬夏不異相承謂之義

井下流合澇水澇水又南流注于澗澗水又逕隋縣南

隋城山北以是考之則隋縣故城當在今城西北數里

澇水之側史記正義亦云隨國在今隨縣城外則斷蛇

邱遺蹟與大夫故池俱當在其地明宏治中知州李充

嗣于今城西隅鑿一池名曰夜光池強古就今斯失實矣

隨侯救蛇事見淮南子注及搜神記其說畧同明知州王納言隨珠堂記云隨侯救蛇夢而得珠其言夢者不

隨州志

卷之三

古蹟

三

知何本至舊志有蛇銜珠吐十堂外曰我龍王子也感若活命故來報德隨侯得珠進於楚王其得珠進楚事文不知何出且蛇作人言益怪

隨侯臺在州北八里今無考太平寰宇記云隨侯救蛇之

所是即斷蛇邱也

舊志譌作隨侯放彈之所湖廣通志仍之

驩驩陂在州西北九十里唐城白雲鄉今無此鄉名左傳唐成

公如楚有兩蕭爽馬子常欲之弗與三年止之唐人竊

馬而獻之子常歸唐侯是也驩驩名陂始見於唐人胡

曾詩今唐縣鎮驩驩橋即其地舊時刻石驩驩陂三字

猶在

楚昭王城史記王義在隨州隨縣北七里左傳云吳歸入
郢王奔隨隨人處之公宮之北卽此城是也

舜子巷義井碑在城南一里許隸釋在隨之舜子巷石理
皴剝其間有光和三三年字知其爲漢碑也元祐丁卯年
郡守許覺之始徙於後圃方輿勝覽舜井碑在隨州碑
字漫滅惟碑陰有五大夫三字相傳秦時碑舊在舜子
巷草間今在漢東閣下宋許覺之有舜井斷碑詩此碑
於宋初尙謂之舜子巷義井碑而今直謂之舜井碑舜

隨州志

卷之三

古蹟

三八

井之名當自此始又楊升菴法帖神目云舜井碑秦時
隸書在隨州又云碑陰題名之下尙有數十字蓋紀事
之辭殘缺無成文者考隸釋有光和三三年字而方輿勝
覽則云惟碑陰五大夫三字尙存是堯相字又已剝蝕
矣升菴於二百年後忽復見碑陰題名其下又有數十
字豈所見別是一碑耶義井見於水經注不知卽是不
平林城在州東北八十里上名鄉王莽地皇三年新市王
匡等進攻隨郡未下平林人陳牧廖湛聚衆千餘人號
平林兵以應之故中興兵有新市平林之號卽此也

晉以後爲縣唐武德中併入隨故後漢書章懷注云平林在今隨州隨縣東北是也城久廢

讀書臺一統志隨州有漢張衡讀書臺衡字平子南陽西鄂人嘗作二京賦十年乃成臺今已廢湖廣通志載州治東亦不詳何地

光化縣故城在州南三十里光化鎮之北縣爲南齊所置本曰安化後周改名光化宋時廢入隨州文獻通考光化縣有錫水錫水不見於水經今亦無考宋沈括有光化道中遇雨詩

隨州志

卷之三

古蹟

三九

舊志謂之楚子城引左傳桓公八年楚子合諸侯于沈鹿黃隨不會使遠章讓黃楚子伐隨軍於漢淮之間二因築城通隨故號楚子城考杜注黃國在弋陽縣卽今光山縣地蓋黃近淮隨近漢故軍於其間以兩相控必不在近隨數十里內也其築城通隨事亦不見於諸傳今遺基尙存土人俱指是舊光化縣城也

隋文帝故宅舊志在州西南五十里龍居山相傳文帝微時居此

按文帝父忠于周武成元年卽封隋公帝亦先以小宮伯爲隨州刺史元和三年襲爵爲公大象二年進爵隋王是帝固生而貴者也且州爲其封邑安得有微時居山事

漢東樓卽城南門麗譙樓也唐劉長卿有聞虞沔州有恭將歸上都登漢東城寄贈詩宋沈括亦有登漢東樓詩

舊址已廢今樓爲明知州李充嗣重建改名襟漢

詳城池志

遷仁樓卽北門麗譙樓也劉長卿有登遷仁樓酬子婿李穆詩亦昔人登眺之所遷仁一作僊仁

仙城山在州南七十里唐李白所謂紫陽先生八歲經仙城山超然有清都紫微之想者卽此山也後爲道士元演隱居地巒壑深秀溪流互迴鬱然仙境白居易陸時亦嘗遊宴于此其憶譙郡元參軍詩有曰我向淮南攀桂枝君留洛北愁夢思不忍別還相隨相隨迨迨訪仙城三十六曲水迴縈一溪初入千花明萬壑度盡松風

隨州志

卷之三

古蹟

四十

聲銀鞍金絡倒平地漢東太守來相迎紫陽之真人邀我吹玉笙餐霞樓上動仙樂嘈然宛似鸞鳳鳴袖長管催欲輕舉漢東太守醉起舞手持錦袍覆我身我醉橫眠枕其股當筵意氣凌九霄星離雨散不終朝分飛楚關山水遙余旣還山尋故巢君亦歸家度渭橋觀此亦見其神留此山矣

按白有送元演隱仙城山序首稱霞子元丹煙子元演元丹卽紫陽碑辭所載之元丹卽天寶初爲威儀元演疑是其弟

餐霞樓在州治西唐紫陽先生胡公煉真處也胡公名無

考所居曰苦竹院中有餐霞樓手植雙桂日棲遲其間
見李白所撰碑文白又有題隨州紫陽先生壁詩今樓
故址已湮舊志亦不詳在何地

紫陽先生塔銘李白撰在州南三十里光化鎮寰宇記所
謂在廢光化縣是也宋敏求作太白文集後序云同舍
呂縉叔出漢東紫陽先生碑而殘缺間莫能辨因不復
收入近時錢塘王琦收輯李白詩文於茅山志中錄出
此碑且云雖有缺文而與集中所稱元丹邱僧信公仙
城山餐霞樓等多所取證其文係太白真作銘詞元真

隨州志

卷之三

古蹟

四

可喜

烏龍巷在城內北關之西相傳宋太祖客隨時居此宋史
董遵誨傳遵誨父宗本仕漢爲隨州刺史太祖徵時客
遊漢東嘗依宗本遵誨見城上紫雲如蓋又夢登高臺
遇黑蛇約長百尺餘俄飛騰東北去雷電隨之問太祖
曰是何祥也太祖不對後人因名其所居曰烏龍巷

李氏東園在城南爲宋時李氏別業歐陽修幼居隨往來
其中所謂城南李氏爲著姓見其方治東園往來築苑
一一手植封樹甚勤是也厥後堯輔復構亭其間

有登湏陰亭詩

瑞蓮亭在城北臨濠水舊志稱明知州李充嗣建推官董清為之記然記云公守茲土作而興之使昔之頽垣毀堞荒榛野草今皆為雕甍畫棟晶彩奪目又云隨人公之賢而以瑞蓮寓名是必昔本有此亭而充嗣復修因改今名耳充嗣又建洗心亭亦在城北濠水上今皆廢

溫泉在州西南百二十里梅邱山谷間通志謂之暖水涓流委折注為一澗澄澗渟澈水性不寒而溫始翳於叢

隨州志

卷之三

古蹟

三

莽中知州李充嗣芟剔穢草而出之甃以為池復構亭其上匾曰溫泉蒲田俞釗為作溫泉記

後喜雨亭在城南明神宗初年州人為知州事林梓建梓禱雨獲應因築此以識之顏曰後喜雨亭今廢

夜光池在城西隅白雲樓下明宏治中知州李充嗣鑿平

波十畝中通泉脈池之前即白雲書院故宋歐陽子祠堂也闕久而廢

祥祠廟志

乾隆四十二年居民鋤地得碑有夜光池三字碑陰刻明進士李槃詩知州胡觀瀾因立碑池上而建亭以覆